

Canllawiau – Nodiadau ar gyfer goruchwyllo ymgeiswyr gydag amrywiad amserlen dros nos ar gyfer y flwyddyn academiaidd 2025/26

1. Os yw cyfanswm hyd tri neu fwy o arholiadau i'w sefyll mewn un diwrnod yn **fwy na 5 awr 30 munud** ar gyfer arholiadau TGAU neu'n **fwy na 6 awr** ar gyfer arholiadau TAG (UG, U2, Safon Uwch), mae'n bosibl y bydd canolfannau am drefnu goruchwylloeth dros nos.

Fodd bynnag, dylid cynnig y cyfle o hyd i'r ymgeisydd sefyll yr arholiadau i gyd ar y diwrnod gwreiddiol. Dylai'r ganolfan gyflwyno cais am ystyriaeth arbennig i'r corff dyfarnu perthnasol am yr arholiad olaf sydd wedi'i sefyll.

2. Lle mae canolfan yn rhoi caniatâd i ymgeisydd sefyll arholiad a oedd wedi'i amserlennu ar gyfer y prynhawn y bore canlynol†, rhaid i'r ganolfan bob amser benodi aelod o staff y ganolfan neu oruchwyliwr i oruchwyllo'r ymgeisydd tra bydd yr ymgeisydd yn y ganolfan yn sefyll arholiadau. **Rhaid** i'r ymgeisydd fod o dan oruchwylloeth y ganolfan **o 30 munud ar ôl amser dechrau swyddogol y corff dyfarnu ar gyfer yr arholiad a ohiriwyd**. **Rhaid** i'r ganolfan sicrhau nad oes unrhyw gysylltiad ag ymgeiswyr eraill.

†Os gohirir unrhyw arholiad o brynhawn dydd Gwener, **rhaid** ei sefyll y bore canlynol, h.y. bore Sadwrn.

3. Gall rhiant/gofalwr neu staff y ganolfan oruchwyllo ymgeisydd ar deithiau i'r ganolfan ac oddi yno a thros nos. **Rhaid** i'r ganolfan benderfynu ar ddull goruchwyllo sy'n sicrhau llesiant yr ymgeisydd.

Rhaid i'r goruchwyliwr oruchwyllo'r ymgeisydd o'r adeg pan fydd yn gadael goruchwylloeth y ganolfan nes y bydd y cyfrifoldeb am oruchwyllo'r ymgeisydd yn cael ei drosglwyddo'n ôl eto i'r unigolyn penodedig yn y ganolfan.

4. **Rhaid** i'r trefniadau goruchwyllo dros nos sicrhau **nad** yw'r ymgeisydd yn cael rhybudd ymlaen llaw o gynnwys yr arholiad a ohiriwyd tan y bore canlynol. Mae hyn yn golygu **na ddylai'r** ymgeisydd gwrdd na chyfathrebu ag unrhyw un sydd â gwybodaeth am y cynnwys. Mae hyn yn cynnwys e-bost, rhynggrwyd, gwasanaethau ffrydio ar-lein, cyfryngau print, radio, cyfryngau cymdeithasol (gan gynnwys apiau negeseuon), ffôn a theledu.

5. **Rhaid** cwblhau'r ffurflen Datganiad Goruchwylloeth dros Nos yn **ddim hwyrach na 24 awr cyn dechrau'r oruchwylloeth dros nos** fel bod y sawl sy'n cymryd rhan yn deall eu cyfrifoldebau yn llawn.

Rhaid i'r ganolfan a'r goruchwyliwr gadw copi o'r ffurflen.

6. **Rhaid peidio** ag amgáu ffurflenni *Datganiad Goruchwylloeth dros Nos* gyda'r sgriptiau. **Rhaid** i'r sgriptiau gael eu hanfon at y corff dyfarnu/arholwr yn y dull arferol.

7. **Rhaid** cadw'r holl ffurflenni *Datganiad Goruchwylloeth dros Nos* wedi'u llenwi ar ffeil yn y ganolfan i'w harchwilio. Mae'n bosibl storio ffurflenni'n electronig neu fel copi caled ar bapur. **Rhaid** eu cadw ar ffeil tan y bydd y dyddiad cau ar gyfer adolygu'r marcio wedi pasio neu tan y bydd unrhyw ymholiad apêl, camymddwyn neu unrhyw ymholiad arall wedi'i gwblhau, pa bynnag un sydd hwyrach. **Ni ddylid** anfon y ffurflen hon at gorff dyfarnu, oni bai y gofynnwyd amdani yn benodol.

8. **Rhaid** i bennaeth y ganolfan fod yn fodlon bod y trefniadau yn bodloni gofynion y corff dyfarnu.
9. **Rhaid** i'r corff dyfarnu gael gwybod **ar unwaith** am unrhyw beth sy'n groes i'r amodau hyn, neu yr amheuir eu bod yn groes i'r amodau hyn.
10. Caiff y corff dyfarnu ddefnyddio dulliau priodol i sicrhau bod yr amodau hyn wedi'u bodloni, a bydd yn cymryd camau os oes tystiolaeth o unrhyw beth sy'n groes i'r amodau. Gallai hyn arwain at ddiarddel unrhyw ymgeisydd/ymgeiswyr dan sylw, a gallai effeithio ar p'un a fyddai'r cyrff dyfarnu yn caniatáu i drefniadau o'r fath gael eu gwneud yn y dyfodol.